

Til Alver kommune

Uttale til sak 19/1516 Høyring – vedtekter for skulefritidsordninga i Alver kommune.

Foreldre arbeidsutvalet (FAU) og Samarbeidsutvalet (SU) ved Grasdal skule har lest gjennom dei nye vedtektene for skulefritidsordninga i Alver kommune. Me ser i det store og heile positivt på dei nye vedtektene, men har nokre spørsmål som bl.a. går på forskjellen mellom SFO-vedtektene til tidlegare Meland kommune (som me er vande med) og dei nye til Alver kommune:

- I. Under pkt. 3 i framlegget står det «*Alle barn på 1.-4. trinn som søker innan fristen 1.mars, vil få plass.*»
Under pkt. 4 står det «*Hovudopptak for hausten skjer om våren med søknadsfrist 1.mars. Fortløpande opptak kan skje gjennom året om bemanning og lokalitetar tillèt det.*»
Korleis er det tenkt at dette skal kommuniserast ut til alle foreldre som ynskjer å søke om plass i SFO frå hausten av, når saka skal endeleg handsamast i kommunestyret 20. februar? Dette med tanke på at bemanning og lokalitet kanskje ikkje har mogelegheit til fortløpande opptak etter hovudopptaket.
I tidlegare Meland kommune var fristane 1. mai.
- II. Ser at søskenmoderasjonen er 30 % for søsken nr. 2. I tidlegare Meland kommune var denne 25 %.
Vil dette økonomiske «tapet» ha konsekvensar for tilbodet/bemanninga til SFO-ane i tidlegare Meland kommune?
- III. Under pkt. 6 står det «*Krav til SFO-leiar sin kompetanse er 3-årig relevant høgskuleutdanning. I dei andre stillingsheimlane skal det, så langt det er mogleg, tilsetjast fagarbeidarar i barne- og ungdomsarbeidarfaget. Tilsette med anna relevant utdanning og/eller realkompetanse, vil også vera aktuelle.*»
Det står også «*Det skal som regel ikkje vera meir enn 14 barn pr. tilsett. Bemanninga kan styrkast ytterlegare for å ivareta barn med behov for særskild oppfølging.*» (understrekinga er gjort av FAU v/Grasdal skule)
I tidlegare Meland kommune var kravet maksimum 16 barn pr. vaksen.
Korleis ser Alver kommune for seg at krava til utdanning og auka bemanning skal følgjast opp? Er det økonomi til dette (løn til faglærde mot løn til ufaglærte, auka bemanning)?
- IV. I tidlegare Meland kommune var kravet for at det skulle tilsetjast dagleg leiar på skulefritidsordning 20 barn. I Alver kommune er dette auka til 25 barn.
Kva er årsaka til det?
- V. Under pkt. 2 står det «*SFO er òg eit tilbod til barn med særskilde behov på 1.-7. klassetrinn.*»
Under pkt. 3 står det «*Barn med særskilde behov på 5.-7. trinn vil kunna bli tildelt plass etter ei nærare vurdering.*», at kommunen vil «*lytta til råd og vurderingar frå ulike instansar som kjenner barnet, t.d. PP-tenesta, som kan ha nyttig informasjon om fungeringa og behova til barnet.*», samt at «*Utgangspunktet er at barnet har særskilde behov som òg medfører omfattande tilsynsbehov.*»
Vil dette sei at barn med særskilde behov på 1.-4. trinn ikkje skal gjennom ei nærare vurdering, samt at bemanninga skal styrkast ved tildeling av plass? Eller er det meininga at barn med særskilde behov skal inngå i regelen om ikkje meir enn 14 barn pr. tilsett?

- VI. Så er det tid for dagens siste spørsmål: Under pkt. 2 står det «*SFO har som mål å gje barna på 1.-4. trinn i grunnskulen tilsyn og omsorg.*»
FAU v/ Grasdal skule er kjende med at fleire skular i tidlegare Meland kommune har utarbeida tiltaksplanar som er grunngjeve i skulemiljø og enkeltelevar sine behov for meir vaksenstøtte for å sikre at Opplæringslova kapittel 9A vert ivaretatt.
Spørsmålet er ikkje meint om elevar som har lærevanskar og/eller behov for spesialundervisning, men er retta mot elevar som ikkje heilt klarar å samhandla med andre og som med sin oppførsel gjer skule- og SFO kvardagen utrygg for sine medelevar.
Visst disse elevane ikkje vert vurdert som barn med *særskilde behov*, korleis ser Alver kommune for seg at SFO skal kunna gje dei andre 13 barna (med utgangspunkt i 14 barn pr. tilsett) tilsyn og omsorg, dvs. eit trygt og godt miljø?

På førehand takk for tilbakemelding på spørsmåla/bekymringane våre.

Med helsing

FAU- Grasdal skule/v Leiar Inge-André Håkull og SU- Grasdal skule.